

EAJk PSE-PSOErekiko negoziaketak berraztertzeke geldiuinea hartu du

Buesa: «Erantzunkizuna momentu honetan EAJren eskuetan dago»

Astearteko EAJren Asanblada Nazionalera arte, EAJ hausnarketaldian sartu den bitartean, Juan Ramon Gebara, Gasteizko Gobernuako iharduneko Lehendakaritza kontseilariak aurreko gobernu paktuan sinatu eta betetzeke dauden puntuen zerrenda luzatu eta berauek betetzeko eskatu zuen. Buesa sozialistak, bere aldetik, EAJren eskutan jarri zuen negoziaketaren erantzunkizuna.

L. K. GARCIA, Z. Z. / BILBO


Juan Ramon Gebara, PSE-PSOE eta EAJren artean gobernu osatzeko dauden negoziaketetan nazionalisten eledunak, hogeitaz orrialdetako txostena aditzera eman zuen atzo, «EAJk elkarriketetan zenbait gairi buruz dituen jarrerak ulertzen» laguntzeko asmoz.

Kontseilari nazionalistaren ustez, koaliziorako hitzarmen berria sinatu aurretik, beharrezkoa da aurreko akordioan sinatu eta betetzeke geratu diren puntuei irtenbide egokia ematea.

Puntu hauek jabego autonomoko komunikabideei buruzko konbentzioa, azpiegiturak eta Justizi Administrazioaren pertsonalaren transferentzia dira, txostenean agertutakoaren arabera.

Lehendakaritza kontseilariak Euskal Autonomi Elkartearen Estatutuko zenbait puntu hartzen ditu bere argudioaren defentsarako, «zenbait jendek esan duena ikusita, negoziaketetan EAJk egungo marko juridiko-politikoak gainditzen dituen gaiak planteatzen dituela» ikusita.

Era berean, PSE-PSOEren 1980. go programa erantzen du. Gobernu programa honetan, PSE-PSOEek gaur onartzen ez dituen puntuak aipatzen ditu, hala nola transferentzia ekonomikoari buruzkoak edota azpiegiturari buruzkoak. Gebararen ustez, orrialde hauek «erabat argigarriak dira», alderdi sozialistak



Juan Ramon Gebara (EAJ) eta Fernando Buesa (PSE-PSOE).

garai hartan Gernikako Estatutuaz egiten zuen interpretazioa ulertzeko.

NEGOZIAZIOA EAJ-REN ESKU Beste maila batean, Euskal Autonomi Elkartearen gobernu osatzearren EAJ eta PSE-PSOEren arteko elkarriketak direla eta, momentu honetan ere erabakia erantzunkizuna EAJri dago-kiola esan zuen atzo Buesa Arabako

diputatu nagusiak. Jai egun hauetan bilera berririk ez dela egongo ziurtatu zuen Buesa, batipat hemendik aurrera hausnarketa epe bati ekin behar bait dio EAJk. Bere ustetan, datorren asteartean EAJk ospatu behar duen Asanblada Nazionaletik bien arteko ulermenik egon daitekeen ala ez jakiteko modua aterako da. «Ospatu izan diren bilerak ikusirik, dagoeneko argitasun puntu ba-

tera iritsi da egoera», adierazi zuen Buesa. Jeltzaleek mahai gainean jarri dituzten Seguritate Sozial eta Banku Publikoari buruzko baldintzak EAJrako «bereziko garrantziko arloak» ez direla esan zuen.

Bestalde, EAJk eskatzen dituen Seguritate Sozialerako transferentziak burutzeko dauden «zailtasun tekniko nahiz politikoak» azpimarratu zituen.

Hausnarketarako «zubia»

Euskal Autonomi Elkartearen gobernu osatzeko akordioa lotzeko epea agortuz doa. Legebiltzararen osaketak badu gehienezko epea markatuta, abenduak 18, alegia. Negoziaketan, agerian behintzat, ari diren bi aldeek Legebiltzara osatu baino lehenago akordioa finkatzeko komenigarritasuna adierazi dute. Egunak aurrera doaz, eta alde bateko zein besteko negoziatzailer taldeko bozeramaleen esanetan, azken egun hauetan ez da hurbilpenik izan, akordioa posible egin dezakeen hurbilpena, bederen.

Gaur hasten den zubian ez dela bilerarik egingo iragarri dute bi aldeek. Abiapuntuen berrikuspena derrigorrezkoa ikusi da, batez ere jeltzaleen aldean. Hausnarketa egun hauen ondoren, datorren asteartean, EAJren Asanblada Nazionala bilduko da, hauteskunderen ondoren bigarren, negoziaketetan jarraitu behar diren direktivek markatzeko. Lehenengoz bildu zenean, erabakia aho batekoa izan zen, sozialistekin hitzartzeko erabakia. Oraingo honetan, «batzokien gatazka» konpondu ondoren, lehenengoari eta orduko gonbentzimenduekin eustea ez da izango hain erraza. Lehenengo momentutik, EAJko buruzagiek sozialistekiko hitzarmena gobernu formula bakarra ez zela esan dute. Baina formula alternatiboez ez dute apenas ezer esan, eta legeak markatzen dituen epea agortuz doaz, are gehiago beste solaskide batzuekin negoziatu nahi bada.



Xabier Arzalluz.

Erreintserzio politika ez da aldatu
Tovalen ustez

DONOSTIA

Gobernu espainolak ETako presoekiko erreintserzio politika ez duela aldatu adierazi zuen atzo Madrilgo Legebiltzarrean Eduardo Martin Tovalde sozialistaren eledunak.

Antoni Asuncionez esandakoei erantzunez, CDS eta PPko eledunek aurkako adierazpenak jaurtiki zituztenean erantzun behar izan zuen Tovaldek, «Asuncionez adierazpen soil batzu izan dira eta gaztelerak duen malgutasunari esker, adierazpen horien irakurketa desberdinak egin ahal dira» zehaztu zuen.

Bestalde, SPPUK (Uniformedun Polizi Sindikatu Profesionala) gogor jo zuen Instituzio Penitentziarietako zuzendariaren aurka, «politikari batzu, elektoral helburuz soilik, ETako hiltzaileek Eguberriak etxean igaro ditzaten nahi dute» salatu zuten.


Idigoras: «Tregoa Gobernuaren esku dago»

DONOSTIA

Gobernu espainolak Aljer-eko elkar hizketak utzi ziren puntuan berreskuratzeko borondate argirik izango balu, ETak tregoa izan daitekeen keinu batekin erantzun leza-keela adierazi du Jon Idigorasek Interviu astekariaren azken zenbakian.

Herri Batasunako eledunak adierazi du ETak Estatu espainoleko ordezkariekin elkar hizketatzeko aurre baldintza armak uztea balitz «ETA polizialki garaitua izan beharko litzateke eta hori ez da oraino gertatu». HBko kideak Gobernu espainolaren taktikaz dihardu «Gobernuak nahi duena, ETA negoziaketa mahaira zeharo ahul eramatea da» erantsiz.

Azkenik, presoen gaiari helduz, Isidro Etxabek ustez ETaren zuzendaritzari igorritako kritikaz beteriko eskutitza Barne Ministeritzak espainolaren filtrazio interesatua dela aurreratzen du.



BALLENEROS KALEA, 12-1. A - 20011 DONOSTIA

TELF. 943 - 46 69 06 / FAX 943 - 46 68 94

- ITZULPENAK
- HIZKUNTZ MAILAKETA FROGAK
- DOKUMENTAZIO ZERBITZUA
- AHOLKULARITZA JURIDIKOA